

# Daygon sa Pasko

## Angel Enemecio

Gabiing mamingaw, gabiing masanagon,  
Dili samahan, mga taknang balaanon:  
Ang atong Bathala karon nga gabhiona,  
Natawo sa Batlehem sa kamalig sa baka.

Nagapakatawo na ang atong Ginoo!...  
Magmalipayon kita karong gabhiona;  
Natawo, natawo nang atong Manunubos,  
Magmalipayon kitang Iyang tinubos.

Tungang gabii sa matugnaw nga pasungan,  
Mga manulonda nag-awit sa kahitas-an,  
Sa yuta naglaylay ang mga kalanggaman,  
Misubang: komita, kabituonan ug bulan.

" Maghimaya ka Bathala sa Kalangitan  
Panagdait sa katawhan sa kalibutan, "  
Ning adlaw sa Pasko maglipay kitang tanan  
Mga kaguol biyaan, human hikalimtan.